

CANTIC.

QUELENNADUREZ AN DUD YAOUANC.

Var an ton ordinal.

SELAQUIT, tud yaouanc,
Va c'hellennadures,
Oc'h oad, allas! a ranc
Scol ha descadures:
Clevit eta va c'hentel,
Fur eo meurbet ha santel,
Evit en honestis,
Ha gant an dud enoret,
Ha gant ho Toue caret,
Tremen ho yaouanekis.

Me fell din e carrac'h
Dreist pep tra oc'h enor,
Ha juridic er mirac'h
Evel oc'h oll tenzor:
An aour, an diamanchou,
Ar guenet, an talanchou,
Evit an dud yaouanc
O deus collet ho enor;
N'o devez mui a zecor,
N'int nemet pry ha fanc.

Ur pezh aour dislivet
Collet e oll eclat;
Ur goz fleuren gouenvet
Collet oll e c'hues-mad;
Un den collet e fortun
N'eo anzavet gant nicun;
Dizenor e oll dud;
Mez ar c'hanton, farz ar vro,
Eo an den yaouanc a ro
Sujet da gaout goal vrud.

(2)
Da zervicha'n Autrou
Ferveur, fidelite;
D'ho tud mad-oberou,
Respect, docilite;
Gant ho preudeur union,
Oc'h an oll just, leal, guirion;
Modesty, innocanc,
Ar burete dreist pep tra,
Chetu aze petra ra
Ho pris, ho tecoranc.

Evit-ta pur miret
Ho cloar, ho meuleudi,
A gorf hac a speret,
Laquit oc'h oll studi
Da veva gant santeles,
Pur ha chast evel Ales;
Tec'hit, tec'hit a grenn
Diouc'h ar pec'het dishonet,
Memes diouc'h e squeud funest,
Evel diouc'h ar vocen.

Cassaït an nosveziou
Quiriec da vil bec'het,
Hac ar beilhadegou
A vouaset ha merc'hed;
Enô, siouas! emâ scol
An dud yaouanc direol
Da zisqui lachete,
Milgomps, mil sonch dishonest,
Mil arves sot, ha mil gest,
Ha mil mechancete.

Cassaït ar c'hoariou
D'ar sul d'abardaëz,
Hac ar joloriou
Eus al leuriou neves;

Cassaït an danç milliguet ,
 Ar bal excumunuguet ;
 Liç al lubricite
 Eo an danç , ar varrezyou ,
 Poeson an oll vertuzyou ,
 Chaffot ar burete.

Sperejou variant ,
 Canfartet abuset ,
 Strinquellou disquiant ,
 O plac'het divezet ,
 Trimpal a rit ha bralgal ,
 Lamet , revolti , fringal ;
 It , pennou volach ,
 An ifern goude'r maro
 Gant tourmanchou garo
 A vezo ho partach.

Cassaït , cassaït c'hoas
 An daremprederes
 Entre plac'h ha goas ,
 Hac an discolperes ;
 Na souffrit nep liberte
 Na familiarite ;
 Dougit evel an tan
 An discoursou impudic ,
 Ar gestou , poccou lubric
 Invantet gant Satan.

Jamès relacion
 Gant goal gamaradet ;
 Na goal occasion ,
 Pa veac'h cant gueich pedet ,
 Na glasquit ha na souffrit ;
 Allas ! siouas ! m'ar er grit ,

Adieu ! adieu deoc'h ;
 An danger nep a garo ;
 Ennâ gavo e varo ,
 Ne deus netra surroc'h.

Mêmès ar pardoniou
 Gueichal instituet
 Da ober pedennou
 Gant mui a barfetet ,
 Da gana meulodiu ,
 Da imita vertuziou
 Guir vignonet Jesus ;
 Ar pardoniou , tra eston !
 Zo bremâ e mil façon
 D'an dud yaouanc chansus.

Allas ! ar vanite
 Ha debauch ar voutail ,
 Ar guriosite
 Da velet cant marvail ,
 Douetus pourmen ha redet
 Ober rên amourousdet ,
 Heul an danc har ar soun ,
 Va Doue , piou er c'hrête ?
 Cetu petra , couscoude ,
 A gaç cals d'ar pardoun.

O Autrou Souveren ,
 A vel , a oar pep tra ,
 Piou a ouffe compren ,
 Siouas ! an drouc a ra
 An dizurzyou-ze fatal ?
 Ped goal exempl ! ped scandal !
 Ped profanacion !
 Ped malheur er famillou !
 Ha ped sujet a zaelou !
 Ha ped daonacion !

O Tadou ha Mamou ,
 Dre'r gomplezanc funest
 Da heul goal gustumou ,
 E c'hastennit cabest
 Var o mouë d'ho pugale ;
 An eil rum hac eguile
 Assambles e veuzit ,
 Bugale , Mamou , Tadou ,
 En ifern a diadou ,
 Assambles e quezit.

Clevit , Tadou , Mamou ,
 O tremen , me ho ped ,
 Ur gueric pe zaou
 A gousecanc meurbet ;
 Dalc'hit var ho pugale ,
 Ha grit eün dezo bale ;
 Mam a re lez e merc'h
 A vezo mam reuseudic ;
 Tad a re lez e vabic
 A vouelo var e lerc'h.

Pep tra tout er bed-mâ ,
 En e gondicion ,
 Evit e zigama ,
 A ranc correccion.
 Ar c'hoad a ranc ar vouc'hal ,
 An ouarn ar marichal ,
 Crouadur gualenn ;
 E recour eo touch dezan ,
 E goll espern anêzan ,
 E vuez eo é guelenn.

O ! eürus an tad
 A zuch e grouadur ;
 Va bennos d'ar vam vad
 A zavo ûr verc'h fur ;

Ur map , ûr vere'h vertuzus
 A zo d'o zud eürus ,
 Er gosni eur voalen ,
 E peb amzer ho enor ,
 Ho flijadur , ho zenzor ,
 En Eê ho c'hurunen.

Eus va instruccion ,
 O ! tud yaouanc , bremâ ,
 Evit conclusion ,
 Clevit mad queme-mâ ;
 Ha c'hui a euteur miret
 Pur ho corf hac ho speret ,
 Clevit , clevit eta ;
 Lacat evez , ha tec'het
 Diouc'h dangeriou ar pec'het ,
 Chetu'r voyen guenta.

Taolit eus ho speret
 Pront ar goal songezon ,
 Dalc'hit outi serret
 Bepret dor ho calon ;
 En dra m'er serpant bian
 Bruzunit e benn buan.
 Allas ! oc'h invori ,
 E savo en un instant
 Er serpantie da serpant
 Evit ho tevori.

Fragil hac izomec ,
 Suppliit hon Aoutrou
 A zo oll c'halloudec ,
 Da rei deoc'h sicourou.
 Ho pezet ato memor
 Eo e zaoulagat digor

Varnorc'h ato bep tro ;
 Evel Suzanna gueichall,
 Diouc'h insultou an dud fall
 Ar sonch-ze ho miro.

Mar pad an drouc-speret
 D'ho tenti gant arrach ,
 Ho pet ive bepret
 Da gombati courach ;
 M'ar deu'n dud , oc'h youlou ,
 En tu gant an diaoulou ,
 Da revolti ouzoc'h ,
 Var bouès ato resista ,
 Pidi Doue d'oc'h assista ,
 Ar victor zo deoc'h.

Bep mis covessaït
 Gant guir gontricion ;
 Ha bep mis tostaït
 Gant guir devocion
 Ouc'h Taol sacr an Oan Doue ,
 Guir sourcen ar burete ,
 E zouten , e decor ;
 Mès tostaït gant an assant
 Eus eur C'honfessour prudant ,
 Jamès diouc'h oc'h humor.

Ho pet devocion
 D'ar Verc'hes gloriüs ,
 Eus he froteccion
 Ar gallout precius
 E pep amser reclamit ,
 E pep danger goulennit :
 Fidel nep a vezo
 D'he c'haret , d'he servicha ,
 D'he fidi , d'he imita ,
 Biquen ne berisso.

C'hoas emeus un avis
Abars peur finissa ,
Da rei deoc'h , yaouanckis ,
Eus oc'h eur diveza ,
Ar memes en ho speret
Imprimit , dalc'hit bepret ,
Ha m'oc'h assur certain ,
An distera sotoni ,
An distera falloni
Ne reot jamès biquen.

FIN.